

Ուրասար

Մակերես՝ 23.196կմ²

Բնակչություն՝ 399

Տնային տնտեսությունների թիվը՝ 135: Նախկին Կույբիշև գյուղը հիմնադրվել է 1803-1805թ.թ.: 1994թ. ապրիլ ամսից գյուղը վերանվանվել է բազումի լեռնաշղթայի ամենաբարձր սարի անունով, որի բարձրությունը հասնում է 2950մ և կոչվել է Ուրասար՝ այսինքն որի գագաթին ծվարում են ուրուրները: Գյուղի բարձրությունը ծովի մակերեւոյթից 1560-1600մ է, գտնվում է մարզկենտրոնից 46կմ հեռավորության վրա, Ստեփանավանից 10կմ դեպի արևմուտք:

Գյուղի կլիման ձմռանը ցրտաշունչ է, ամռանը՝ զով:

Մինչև 1953-1955թ.թ. գյուղում բնակվել են միայն ռուս ազգի բնակիչներ շուրջ 1000 մարդ, իսկ 1955-60-ական թվականներից համալրվել է հայ եւ ադրբեջան ազգի բնակիչներով: Մինչև 1960թ. գյուղը բոլոր ցուցանիշներով հանրապետությունում ճանաչվել է որպես առաջատար համայնքներից մեկը, ներկայիս վիճակով Ուրասար գյուղը հանրապետության այն եզակի գյուղերից է, որտեղ հետին պլան են մղվել սոցիալ-տնտեսական զարգացման հարցերը: Պատճառը հիմնականում կայանում է նրանում, որ 1960թ.-ից հարց է դրվել գյուղի տեղահանման եւ գյուղի տեղը լիճ կառուցելու խնդրի վերաբերյալ, այդ տարիներից սկսած մինչև օրս համայնքից գաղթել են ռուս ազգի շուրջ 500 մարդ:

Գյուղն ունի հիմնական դպրոց, կառուցված 2001թ., ուր սովորում է 47 աշակերտ, ակումբ, գրադարան, տնակում տեղակայված բուժկետ:

Համայնքի հիմնախնդիրների մեջ կանորվում են համայնքի ջրամատակարարման և գագաֆիկացման խնդիրների լուծումը, բնակարանաշինությունը, համայնքային կենտրոնի կառուցում, որտեղ կգործեն գյուղապետարանը, մանկապարտեզը և կիանդիսանա որպես մշակույթային կենտրոն: